



MENTERI Perdagangan, Perbekalan Awam dan Operasi India, Sri Mohan Dharja dan Timbalan Perdana Menteri, Dato Seri Dr. Mahathir Mohamad sedang berbual ketika Sri Mohan mengunjung Sri Dr. Mahathir di Kementerian Perdagangan dan Perindustrian, Kuala Lumpur, Sabtu lalu.

ment sedang berbual ketika Sri Mohan mengunjung Sri Dr. Mahathir di Kementerian Perdagangan dan Perindustrian, Kuala Lumpur, Sabtu lalu.

## India akan beli 60,000 tan minyak sawit dari Felda

KUALA LUMPUR, Ahad (Bernama) — Peraturan jangka panjang sedang dibuat untuk membolehkan FELDA menjual minyak sawit terus kepada Perbadanan Perdagangan Negara India, kata Menteri Perdagangan, Perindustrian dan Perbekalan Awam India, Sri Mohan Dharja.

Bercakap kepada para pemberita semalam sebelum berlepas ke Jakarta setelah melawat Malaysia tiga hari, beliau berkata kontrak jualan tersebut ditandatangani untuk FELDA membekalkan 60,000 tan minyak sawit kepada perbadanan itu tahun ini.

Jumlah tersebut tambahan kepada minyak sawit yang telah dibeli oleh India dari lain-lain sumber di Malaysia.

Sri Mohan berkata, India membeli kira-kira 200,000 tan minyak sawit dari Malaysia tahun lalu, kebanyakannya yang ditapis.

Beliau bagaimanapun, tidak dapat menerangkan jumlah yang dibeli dalam tahun 1978.

### Untung

Sri Mohan berkata, India merupakan pembeli utama minyak sawit yang ditapis dari Malaysia dan ini telah menguntungkan Malaysia.

Nilai perdagangan antara kedua-dua negara tahun lalu berjumlah \$331 juta, dengan eksport dari Malaysia bernilai kira-kira \$100 juta.

Dalam tahun 1978, nilai perdagangan kira-kira \$200 juta, dengan eksport dari India berjumlah kira-kira \$120 juta.

Mengenai lawatannya, Sri Mohan menisifkannya "sangat berjaya" memandangkan persetujuan yang dicapai antara beliau dengan para pemimpin Malaysia untuk mengeratkan lagi kerjasama dalam berbagai bidang, termasuk pertanian.

### Mengundang

Katanya, langkah-langkah akan diambil tidak lama lagi sebagai ekoran dari rundingannya dengan Timbalan Perdana Menteri, Dato Seri Dr. Mahathir Mohamad, Menteri Perusahaan Utama, Dato Amar Haji Talib Mahmud dan Menteri Perhubungan, Tan Sri V. Manickavasagam.

Mopurutnya, beliau telah mengundang ketiga-tiga pemimpin itu melawat India dan mereka telah menerima undangan tersebut.

Sri Mohan berkata, beliau juga telah mengundang pegawai-pegawai dan pakar-pakar pertanian Malaysia melawat India.

Sri Mohan ialah Menteri Kerajaan India yang pertama melawat Malaysia.

No. Siri : 1328

No. Pen : 999/80